



Մ ՈՒՐՐ Զ ԱԿՈՐ

ԱՌԱՋՆՈՐԴԱՆԻՍ ԱՄՅՐ ԵՒ ԿԵՂԵՅԻ



ՅԻՇԱՏԱԿ ԵՊԻԱ ՄԱՐԳԱՐԷԻՆ

16 ՅՈՒՆԻՍ 2019

Կիրակնօրեայ Ընթերցումներ	Էջ	1
Ողորմութեան Կանչ Մը (10)	Էջ	3
Աղօթք Երիտասարդութեան	Էջ	4
Ծանուցումներ	Էջ	4

ԸՆԹԵՐՑՈՒՄ
ԹԱԳԱՒՈՐՈՒԹԵԱՆՑ ԵՐՐՈՐԴ
ԳԻՐՔԷՆ
18.29-46

Կէսօրը անցաւ, եւ Բահաղի մարգարէները շարունակեցին իրենց ցնորական կանչուըռտուքը մինչեւ երեկոյեան զոհը մատուցանելու ժամը. բայց ո՛չ մէկ ձայն:

Այն ատեն Եղիա Թեսաբացի ըսաւ գարշելի այդ կուռքերու մարգարէներուն.

- Հեռացէ՛ք այլեւս, հիմա ես իմ ողջակէզս պիտի մատուցանեմ:

Եւ անոնք հեռու գացին:

Եղիա ժողովուրդին դառնալով ըսաւ. «Ինծի՛ մօտեցէ՛ք»: Եւ ամբողջ ժողովուրդը անոր մօտեցաւ: Եղիա Տիրոջ կործանած սեղանը վերականգնելու համար տասներկու քարեր առաւ, Յակոբի որդիներէն սերած ցեղերուն թիւին համաձայն, որուն Աստուած խօսած էր ըսելով. «Իսրայէլ պիտի կոչուիս», այդ քարերով սեղան մը կանգնեց Տիրոջ անունին, եւ անոր շուրջը փոս մը փորեց, թիթեղ մը սերմնցու տանելու խորուլթեամբ: Ապա փայտերը սեղանին վրայ շարեց, գուլարակը կտոր-կտոր ընելով փայտերուն վրայ դիզեց եւ հրամայեց.

- Չորս սափոր ջուր բերէ՛ք եւ ողջակէզին ու փայտերուն վրայ թափեցէ՛ք:

Ապա ըսաւ. «Կրկնեցէ՛ք նոյնը»: Եւ անոնք նոյն ձեւով կրկնեցին: «Երրորդ անգամ ըլլալով կրկնեցէ՛ք նոյնը», ըսաւ ան, եւ երրորդ անգամ մըն ալ այնպէս ըրին: Զուրը

սեղանին շուրջ հոսեցաւ եւ լեցուց փոսը:

Երբ երեկոյեան զոհը մատուցանելու ժամը հասաւ, Եղիա մարգարէ սեղանին մօտեցաւ եւ աղօթեց աղաղակելով.

- Ո՛վ Տէր, Աբրահամի, Իսահակի եւ Յակոբի Աստուածը, ցո՛յց տուր այսօր թէ դո՛ւն ես Իսրայէլի Աստուածը եւ ես՝ քու ծառադ, եւ թէ քեզի համար ըրի այս բոլորը: Լսէ՛ ինծի, Տէ՛ր, պատասխանէ՛ ինծի կրակով, որպէսզի այս ժողովուրդը գիտնայ թէ դո՛ւն ես Աստուածը, ո՛վ Տէր, եւ դո՛ւն ես որ ետ քեզի կը դարձնես իրենց սիրտը:

Այն ատեն Տէրը երկինքէն կրակ դրկեց, որ այրեց ողջակէզն ու փայտերը, քարերն ու հողը, եւ լափեց փոսին մէջ հաւաքուած ջուրը: Ասիկա տեսնելով՝ ամբողջ ժողովուրդը երեսի վրայ գետին ինկաւ, ըսելով. «Արդարեւ Տէ՛րն է Աստուածը, Տէ՛րն է Աստուածը»:

Եղիա անոնց հրամայեց. «Բռնեցէ՛ք Բահաղի մարգարէները. ոեւէ մէկը ողջ չմնայ»: Եւ ժողովուրդը բռնեց գանոնք: Եղիա գանոնք Կիսոն կոչուած հեղեղատը իջեցուց եւ հոն կոտորեց գանոնք:

Այնուհետեւ Եղիա Աքաաբին ըսաւ. «Գնա՛ հիմա, կե՛ր եւ խմէ՛, որովհետեւ մօտալուտ սաստիկ անձրեւի ձայն կ'առնեմ»: Աքաաբ ուտելու եւ խմելու գնաց, իսկ Եղիան Կարմեղոս լերան գագաթը բարձրացաւ, մինչեւ գետին խոնարհեցաւ ու դէմքը ծունկերուն մէջ առաւ, եւ իր ծառային ըսաւ. «Գնա՛ եւ ծովուն կողմը նայէ՛»: Պատանին գնաց նայեցաւ եւ ըսաւ. «Բան չկայ»:

- Դարձեալ գնա՛, - ըսաւ Եղիա, եւ եօթն անգամ պատանին ետ գնաց: Եօթներորդ անգամին պատանին ըսաւ.

- Ահա մարդու մը ձեռքին չափ փոքրիկ ամպ մը կ'ելլէ ծովէն:

Այն ատեն Եղիա ըսաւ.

- Գնա՛ եւ Ագաաբին ըսէ՛. «Կառքդ լծէ՛ եւ

տուևնդ դարձիր որպէսզի անձրեւի չբռնուիս”:
Շուտով երկիրքը ամպերով մթնցաւ. հով
ելաւ եւ սաստիկ անձրեւ սկսաւ: Աքաաբ իր
կառքը հեծաւ եւ Յեզրայէլ փութաց: Տիրոջ
զօրութիւնը օգնեց Եղիայի, որ պարեգօտը
մէջքին ամրացնելով վազեց եւ Աքաաբէն
առաջ մտաւ Յեզրայէլ քաղաքի դռնէն:

ԸՆԹԵՐՑՈՒՄ
ԹԱԳԱՒՈՐՈՒԹԵԱՆՑ ԶՈՐՐՈՐԴ
ԳԻՐՔԷՆ
2.1-15

Երբ հասաւ ժամանակը, որ Տէրը մրրիկով
երկիրք պիտի բարձրացնէր Եղիան,
Եղիա եւ Եղիսէ Գաղգաղայէն մեկնեցան:
Եղիա Եղիսէին ըսաւ.

- Հո՛ս մնա, Տէրը զիս Բեթէլ կը ղրկէ:
Եղիսէ պատասխանեց.
- Վկայ ըլլայ ապրող Տէրը. կ'երդնում քու
կեանքովդ, թէ պիտի չթողում քեզ:
Բեթէլ եկան: Բեթէլ բնակող մարգարէները
խումբով եկան Եղիսէի եւ ըսին.
- Գիտե՞ս, որ Տէրը այսօր քեզմէ պիտի առնէ
Եղիան՝ քու տէրդ:
- Գիտեմ, այդ մասին մի՛ խօսիք, -
պատասխանեց Եղիսէ:
Ապա Եղիա Եղիսէի ըսաւ.
- Հո՛ս մնա, Տէրը զիս Երիքով կը ղրկէ:
Եւ ան պատասխանեց.
- Վկայ ըլլայ ապրող Տէրը. կ'երդնում քու
կեանքովդ, թէ պիտի չթողում քեզ:
Եւ Երիքով եկան: Երիքով բնակող
մարգարէները խումբով մօտեցան Եղիսէի եւ
ըսին.
- Գիտե՞ս, որ Տէրը այսօր քեզմէ պիտի առնէ
Եղիան՝ քու տէրդ:
- Գիտեմ, մի՛ խօսիք այդ մասին, -
պատասխանեց Եղիսէ:
Եղիա Եղիսէի ըսաւ.
- Հո՛ս մնա, Տէրը զիս Յորդանան կը ղրկէ:
Եղիսէ պատասխանեց.
- Վկայ ըլլայ ապրող Տէրը. կ'երդնում քու
կեանքովդ, թէ պիտի չթողում քեզ:
Եւ երկուքը միասին գացին: Մարգարէներու
խումբէն յիսուն հոգի հետեւեցան անոնց
մինչեւ Յորդանան գետ: Եղիա եւ Եղիսէ
գետեզրին կանգ առին, իսկ միւսները

կանգնեցան քիչ մը հեռու: Եղիա իր
վերարկուն հանեց, ծալլեց զայն եւ անով
զարկաւ ջուրերուն: Ջուրերը այս ու այն կողմ
բաժնուեցան, եւ անոնք երկուքով անցան
ցամաք տեղէն: Երբ անցան, Եղիա ըսաւ.

- Եղիսէ՛, քանի դեռ հետդ եմ՝ խնդրէ՛ ինչ
որ կրնամ ընել քեզի համար:
- Խնդրե՛մ. մարգարէական հոգիէդ կրկին
բաժին թող ժառանգեմ, - պատասխանեց
Եղիսէ:
- Դժուար բան խնդրեցիր, - ըսաւ Եղիա,
- բայց պիտի ստանաս զայն, եթէ տեսնես
իմ երկիրք բարձրացուիս. այլապէս պիտի
չստանաս:

Եւ մինչ խօսելով կ'երթային, ահա յանկարծ
հրեղէն ձիերով կառք մը իրարմէ բաժնեց
Եղիան ու Եղիսէն, եւ Եղիա մրրիկով երկիրք
բարձրացաւ: Եղիսէ տեսաւ եւ աղաղակեց.
«Հա՛յր, հա՛յր, ահա Իսրայէլի կառքն ու
հեծեալները»: Եւ այլեւս չտեսաւ զայն: Ուստի
քաշեց, պատուեց իր վերարկուն, զայն երկու
կտորի վերածելով: Ապա վերցուց Եղիայի
վերարկուն, որ իր վրայ ինկաւ, եւ դարձաւ
Յորդանան գետին եզերքը: Առաւ Եղիայի
վերարկուն եւ ջուրերուն զարկաւ, բայց
անոնք չբաժնուեցան: Այն ատեն գոչեց. «Ո՞ւր
ես, Տէ՛ր, Եղիայի Աստուածը», եւ դարձեալ
ջուրերուն զարկաւ: Ջուրերը այս ու այն կողմ
բաժնուեցան եւ Եղիսէ անցաւ միւս կողմ:
Երբ Երիքովի մարգարէները դիմացէն տեսան
զինք, ըսին. «Եղիայի հոգին Եղիսէի վրայ
հանգչեցաւ»: Գացին դիմաւորեցին զինք եւ
մինչեւ գետին խոնարհեցան անոր առջեւ:

ՅԱԿՈԲՈՍ ԱՌԱՔԵԱԼԻ
ԸՆԴՀԱՆՐԱԿԱՆ ՆԱՄԱԿԷՆ
5.16-20

Չեր մեղքերը իրարու խոստովանեցէք
եւ իրարու համար աղօթեցէք, որպէսզի
բժշկուիք. որովհետեւ արդարի մը աղօթքը
ազդեցիկ է եւ մեծապէս կ'օգնէ: Եղիա մեզի
նման կիրքերու ենթակայ մարդ էր. բայց երբ
աղօթեց որ անձրեւ չգայ երեքուկէս տարի
չանձրեւեց երկրի վրայ: Ապա դարձեալ
աղօթեց եւ երկիրքը անձրեւ տեղաց ու երկիրը
իր բերքը տուաւ:
Եղբայրներս, երբ ձեզմէ ոեւէ մէկը

ճշմարտութեան ուղիէն մոլորի եւ ուրիշ մը յաջողի զայն վերադարձնել, գիտցէք թէ մեղաւորը իր մոլար ճամբէն դարձնողը թէ՛ անոր հոգին մահուընէ կը փրկէ եւ թէ՛ իր բազմաթիւ մեղքերուն թողութիւն կը գտնէ:

**ՅԻՍՈՒՍ ՔՐԻՍՏՈՍԻ ԱԻԵՏԱՐԱՆԷՆ
ԸՍՏ ՂՈՒԿԱՍԻ
4.25-30**

Մեր Տէրը Յիսուս Քրիստոս կ'ըսէ.-
«Ձեզի օրինակներով խօսիմ: Իսրայէլի մէջ բազմաթիւ այրիներ կային Եղիայի օրերուն, երբ երեքուկէս տարի երկինքը չանձրեւեց եւ ամբողջ երկրին մէջ

սաստիկ սով տիրեց: Բայց Եղիա անոնցմէ ռեւէ մէկուն չզրկուեցաւ, այլ զրկուեցաւ Սիդոնի մօտիկ Սարեփթա գիւղը բնակող այրի կնոջ մը: Նոյնպէս, Եղիսէ մարգարէի օրերուն Իսրայէլի մէջ բազմաթիւ բորոտներ կային, բայց անոնցմէ ոչ մէկը բժշկուեցաւ, այլ միայն Նէեման անունով ասորի մը»:

Այս ակնարկութիւնները լսելով՝ ժողովարանին մէջ գտնուողները բարկութեամբ լեցուեցան: Ելան, Յիսուսը քաղաքէն դուրս հանեցին եւ գահավէժ ընելու նպատակով զայն տարին մինչեւ կատարը այն լեռան, որուն վրայ շինուած էր իրենց քաղաքը: Բայց Յիսուս անոնց մէջէն անցաւ զնաց:



**ՈՂՈՐՄՈՒԹԵԱՆ ԿԱՆՉ ՄԸ
ԱՊՈԹԵՐ ԸԷԱԸԱԻԷ**

Հեռուստա՝ ՀԷՆՐԻ ՆՈՒԸՆ

Թարգմանութիւն՝ ԿԱՐՕ ՄՐԿ. ՆՈՒՍՈՒՏԵԱՆԻ

Սոյն աղօթքը վերջինն է, որ արդէն լոյս տեսած է առանձնաբար նոյն այս թերթիկին մէջ: Չայն վերստին կը տպենք յարգելու համար աղօթաշարքի հարազատ յաջորդականութիւնը:

ՆԵՐՔԻՆ ԿԵԱՆՔԻՍ ԿԵԴՐՈՆԸ

Ով Տէր, կը փառաւորեմ Քեզ, կ'օրհնեմ Քեզ, կը պաշտեմ Քեզ: Յաճախ աղօթքս կը վերածուի ներզննիչ որոնումներու՝ առնչուող իմ իսկ շուարած զգացումներուս ու յուզումներուս: Յաճախ ինքզինքս կը գտնեմ եսատրտունջ աղօթք արտասանելու ընթացքի մէջ, կամ ուշադրութիւնս կը թափառի անհանդարտ մտքիս մէջ բնակող մարդկանց եւ եղելութիւններու վրայ:

Ով Տէր, ինչո՞ւ կը յամառիմ այսքան կեղորոնանալ զիս քեզմէ բաժնող բաներու վրայ: Դուն աղբիւրն ես ամէն բարոյեան, գեղեցկութեան ու սիրոյ: Ողորմութիւնդ ցոյց տուիր ինձի գալով եւ զիս բարձրացնելով Եկեղեցիիդ կեանքին ընդմէջէն՝ Քու իսկ կեանքիդ մէջ: Բայց տակաւին կը շարունակեմ սպրիլ որպէս թէ միտքս խճողող հազար միւս բաները ուշադրութեանս ատելի կը կարօտին:

Օգնէ՛ ինձի այս պայքարին մէջ, որպէսզի Քեզ ներքին կեանքիս կեղորոնը դարձնեմ: Ինձի աղօթելու շնորհքը տուր: Յատակօրէն եւ համոզելով ցոյց տուր ինձի թէ ինչպէ՞ս ինքզինքս կը խաբեմ, եւ տուր ուժը այս ներըմբռնումին հետեւելու: Ամենէն ատելի, ով Տէր, տուր ինձի հասկնալ որ, մէջդ եւ միջոցաւդ, բոլոր փոքր մտահոգութիւններս աղերս պիտի գտնեն: Դուն չես արհամարհեր իմ նեղութիւններս, բայց կը խնդրես վստահիլ որ պիտի զբաղիս անոնցմով՝ երբ ես պարզօրէն աչքերս վրադ ու արքայութեանդ վրայ յառած պահեմ:

Սորվեցուր ինձի, ով Տէր, ճամբաներդ: Ամէն:
(Շարունակելի 10)



ԱՂՕԹՔ ԵՐԻՏԱՍԱՐԴՈՒԹԵԱՆ

ԳԱՌՆԻԿ ԱԷ. Ք. Գ.

Հոգի Աստուծոյ,
 որ կը բխիս Հօրմէ,
 Լոյս եւ աղբիւր ամենայն բարիքներու,
 որ անսպառօրէն կը բաշխես շնորհքներդ,
 եւ կը ժողովես հաւատացեալները
 որպէս մարմին Քրիստոսի,
 ահա այս պահուն ի սրտէ կ'աղօթենք քեզի,
 մանաւանդ երիտասարդներուն եւ
 երիտասարդուհիներուն համար:
 Դուն անոնց յար կը մատուցես երկնային
 ուրախութիւնը,
 եւ կը սպասես, որ անոնք արթննալով զայն
 զտնեն

Իբրեւ անդիմադրելի հրաւեր՝
 ցնծագին փոյթով հասնելու
 Ս. Երրորդութեանդ պաշտամունքին,
 որ լիացման եւ ամբողջացման վայրն է:
 Դուն, ով Սուրբ Հոգի,
 գալստեամբդ երիտասարդներուն եւ

ՏՆՕՐՀՆԷՔ

Տնօրհնէք փափաքող

ընտանիքները,

թող բարեհաճին դիմել

Տ. Գառնիկ Աւ. Քինյ. Գոյունեանի,

հեռաձայնելով

514 909 5203 թիւին:

երիտասարդուհիներուն վրայ՝
 քեզի գործակիցներ կը դարձնես զանոնք:
 Անոնց ընդմէջէն դէմքդ կը տեսնուի,
 երբ աստուածային սրբութեան կը մօտենան
 անոնք՝

միաբանօրէն աղօթելու,
 զայն օրհնաբանելու, զովաբանելու եւ
 փառաբանելու:

Անոնց ընդմէջէն դէմքդ կը տեսնուի,
 երբ անոնք նոր երգ կ'երգեն երկնքին:
 Անոնց ընդմէջէն դէմքդ կը տեսնուի,
 երբ անոնք մոմ կը վառեն աստուածութեանդ:
 Անոնց ընդմէջէն դէմքդ կը տեսնուի,
 երբ անոնք քու սորվեցուցած

պատուիրաններուդ ճամբով կը քալեն,
 եւ Աւետարանին կ'աշակերտին:

Անոնց ընդմէջէն դէմքդ կը տեսնուի,
 երբ անոնք ստեղծագործութեանդ
 կանաչացման մշակներ կ'ըլլան:

Հեղձուցիչ ժամանակներուն մէջ,
 ներգործութիւնդ կը յեղափոխէ, կամ
 կ'եղափոխէ զանոնք՝

ընդհանրական կեանքի վերաշնչաւորման
 համար:

Ով Ծունչ,
 երիտասարդներուն եւ երիտասարդուհիներուն
 վրայ փչելով՝

զանոնք նորոգութեան շունչերու փոխէ
 վասն Եկեղեցւոյ բարեկարգութեան,
 վասն համայն մարդոց համերաշխութեան,
 վասն մեր տան՝ երկրին վայելչութեան,
 եւ յանուն Սիրոյն,
 որ կը պահպանէ զանոնք: Ամէն:

ՀԻՒԱՆԴԱԵՐՈՒԻՆ ԱՅԾԵԼՈՒԹԻՒՆ

Բարեհաճեցէք հեռաձայնել

Արժ. Տ. Գառնիկ

Աւ. Քինյ. Գոյունեանի.

514 909 5203 թիւին:

ՀՈԳԵՀԱՆԳԱՏԵԱՆ

ՁԵՐ ԱՐՁԱՆԱԳՐՈՒԹԻՒՆՆԵՐՈՆ

ԱՆԽՕՐՕՔ ԿԱՏԱՐԵԾԷՔ ԿԱՊՈՒԵԼՈՎ

ԵԿԵՂԵՅԻՈՅ ԴԻՒԱՆԱՏՈՒՆ: